

Panonitanga waitohu:

# Te pūwero Sumatriptan (Ko te whakahua 'soo-ma-trip-tan')



Whakamahia ai a Sumatriptan kia whakangāwaritia he ānini pākaha, he ānini putuputu rānei.

Ka panoni te waitohu o te pūwero sumatriptan mai i Imigran ki Clustran.

## He aha ngā āhuatanga e rerekē nei a Clustran?

Kei roto i a Clustran me Imigran ko te matū whakauru hohe ōrite (sumatriptan), engari he rerekē ngā pūrere.

- He pēke kariri me te pūrere tuku pūwero aunoa tā Imigran, māu anō e whakarite i mua i te whakamahinga.
- Kua rite a Clustran hei pene kua whakakīia kētia, e rite ana hoki kia whakamahia. Arā, kua kī kē te pene ki te pota o te rongoā sumatriptan e tika ana.




Kotahi anake te whakamahinga o ia pene Clustran, mō te pūwero kotahi noa iho. Kōrero ki tō kaitaka rongoā me pēhea e porowhiu haumaruru ai i tō pene pūwero.



**He mea nui te mōhio me pēhea te whakamahi i tō pene Clustran i mua i te pānga mai ōu e tētahi ānini pākaha, ānini rānei.**



**Kia mōhio:** Kōrero ki tō tākuta, ki tō nēhi rānei, ki tō kaitaka rongoā rānei mēnā he pātai āu mō Clustran.



## Ākona mai he pēhea te whakamahi i tō pene Clustran

Putā ai ngā hua pai katoa i a Clustran mēnā ka whakamahia hei te tīmatanga o te pānga mai ōu e te mamae.

Kia mātakitakitia tētahi ataata e āta tohutohu ana me pēhea te whakamahi i tō pene Clustran, haere ki: [www.healthify.nz/clustran](http://www.healthify.nz/clustran)



Mō ētahi atu pārongo mō te pūwero sumatriptan, haere ki

[www.healthify.nz/sumatriptan-injection](http://www.healthify.nz/sumatriptan-injection)